



Službeni glasnik OPĆINE OLOVO

Godina XIX

Broj: 6 (posebno izdanje)

Olovo, 15.07.2015.g.

Na osnovu Odluke o dodjeli sredstava s pozicije neraspoređenih sredstava Federalnog Fonda za pomoć nastradalim područjima od prirodne nesreće na teritoriji Federacije Bosne i Hercegovine broj: UO – 49-67-11/15 od 10.02.2015. godine i Odluke Općinskog načelnika o raspisivanju javnog konkursa za dodjelu novčanih sredstava porodicama čiji su stambeni objekti oštećeni ili uništeni usljed prirodne nesreće, broj: 02-44-4-1636 /15 od 08.07.2015. godine i člana 10. stav 3. Zakona o finansiranju pomoći za otklanjanje posljedica prirodne nesreće i obnovu područja zahvaćenih prirodnom nesrećom („Službene novine F BiH“, broj 59/14), Općinski načelnik, raspisuje

JAVNI KONKURS

za dodjelu novčanih sredstava porodicama čiji su stambeni objekti oštećeni ili uništeni usljed prirodne nesreće

I Predmet javnog konkursa

Predmet javnog konkursa je dodjela novčanih sredstava porodicama čiji su stambeni objekti oštećeni ili uništeni usljed prirodne nesreće (100% šteta), a koja su Općini Olovo doznačena od strane Federalnog fonda za pomoć nastradalim područjima od prirodne nesreće na teritoriji Federacije BiH, Odlukom broj: UO – 49-67-11/15 od 10.02.2015. godine.

Sredstva će se raspodjeljivati na način da se obezbijedi, uzimajući u obzir sva dosadašnja primanja donacija i pomoći po ovom osnovu, prijavljenim korisnicima, sa 100% oštećenjima stambenog objekata, konačno stambeno zbrinjavanje, odnosno isplata do maksimalnog iznosa sredstava propisanog Odlukama Federalnog fonda.

II Korisnici sredstava

Korisnici prava na novčanu pomoć, lica čiji su stambeni objekti oštećeni ili uništeni usljed prirodne nesreće moraju ispunjavati slijedeće uslove:

Opći uslovi:

- da je državljanin BIH i da su u vrijeme nesreće imali prijavljeno mjesto prebivališta na području općine Olovo (vlasnik, podnosilac prijave i članovi njegovog porodičnog domaćinstva);
- da je u vrijeme prirodne nesreće proglašene Odlukom o proglašenju stanja prirodne nesreće na području Federacije BiH uzrokovane obilnim kišnim padavinama, koje su prozrokovale poplave na području Federacije BiH („Službene novine F BiH“, broj 37/14) imao imovinu na teritoriji općine Olovo, odnosno bio vlasnik stambene zgrade zahvaćene prirodnom nesrećom;
- da je odlukom nadležne komisije utvrđen nastanak štete na stambenoj zgradi i da je šteta prouzrokovana prirodnom nesrećom,

Posebni uslovi:

- da do sada, podnosilac zahtjeva i njegovi članovi domaćinstva nisu dobili sredstva ili dovoljan iznos sredstava kojima je mogao obezbijediti uslove stanovanja poredvidene Standardima za obnovu i izgradnju stambenih jedinica i objekata ugroženih poplavama i klizištima donešenim od strane Federalnog fonda za pomoć nastradalim područjima od prirodne nesreće na teritoriji Federacije BiH broj 01-44-8/14 od 04.09.2014. godine,

Pravo na novčanu pomoć može ostvariti samo jedan član porodičnog domaćinstva vlasnika uništene ili oštećene stambene zgrade na području općine Olovo usljed prirodne nesreće.

Ako zgrada ima više suvlasnika i više domaćinstava, pravo na pomoć po ovom Konkursu mogu ostvariti suvlasnici koji dokažu da su u vrijeme prirodne nesreće stanovali u uništenoj ili oštećenoj stambenoj zgradi. (izjava suvlasnika ovjerana kod matičara ili notara)

IV Uslovi konkursa i dokumentacija

Da bi ostvarili pravo na dodjelu novčanih sredstava podnosioci zahtjeva dužni su dostaviti slijedeću dokumentaciju:

1. prijavu na javni konkurs sa ličnim podacima (ime, prezime, ime oca, jedinstveni matični broj, adresa na kojoj će se dostavljati pismena Komisije i kontakt telefon) prijavni obrazac može se preuzeti na šalteru informacija u Centru za pružanje usluga građanima Općine Olovo – šalter sala;
2. ovjerena kopija lične karte i potvrda o prebivalištu;
3. dokaz o vlasništvu na uništenoj ili oštećenoj stambenoj zgradi na području općine Olovo na dan proglašenja stanja prirodne nesreće (ZK izvadak, Katastarsko knjižni izvadak, za objekte koji nisu uknjiženi dokaz o vlasništvu na parceli na kojoj je izgrađen stambeni objekat, a koji je zabilježen na satelitskom snimku iz 2009. godine – ZK ured i Katastar);
4. kopija zapisnika Općinske komisije za procjenu šteta o pričinjenoj šteti na stambenoj zgradi podnosioca zahtjeva;
5. potvrda Službe civilne zaštite o uništenoj stambenoj zgradi ili stepenu oštećenja stambene zgrade u stanju prirodne nesreće;
6. dokaze o dosadašnjem korištenju novačnih sredstava ili građevinskog materijala za sanaciju oštećenih ili uništenih objekata koje je dodijelila Općina Olovo ili u čijoj je dodjeli posredovala Općina Olovo putem svojih ustanova.

Dokaze pod tačkom 4., 5. i 6. pribavit će Konkursna komisija po službenoj dužnosti, a ostale dokaze će dostaviti podnosilac prijave uz prijavu.

V Mjesto i rok za dostavu prijave na konkurs

Zainteresovani za dodjelu novačnih sredstava po ovom konkursu dužni su podnijeti pismenu prijavu na javni konkurs uz dostavljanje dokumentacije kojom dokazuju ispunjavanje uslova po konkursu.

Prijave podnijeti na adresu Općine Olovo Komisiji za provođenje javnog konkursa za dodjelu novčanih sredstava za pomoć porodicama čiji su stambeni objekti uništeni ili oštećeni usljed prirodne nesreće ili neposredno na prijemnu kancelariju Općine **u roku od 8 dana** računajući od dana kada je konkurs objavljen u službenom glasniku Općine i web stranici Općine.

OPĆINA OLOVO

**KOMISIJA ZA PROVOĐENJE JAVNOG KONKURSA ZA DODJELU NOVČANIH
SREDSTAVA ZA POMOĆ PORODICAMA ČIJI SU STAMBENI OBJEKTI
UNIŠTENI ILI OŠTEĆENI USLJED PRIRODNE NESREĆE**

Olovo, ulica Branilaca grada bb

71340 Olovo

**Prijava na javni konkurs sa traženim ispravama dostavlja se u zatvorenoj koverti sa
napomenom:**

ZA KONKURSNU KOMISIJU – poplave i klizišta (pomoć u novcu) - NE OTVARAJ!

VI Rok za donošenje odluke o odabiru korisnika za dodjelu novčane pomoći

Ovaj rok ne može biti duži od 10 dana od dana zatvaranja javnog konkursa.

Nepotpune i neblagovremene prijave neće se uzeti u razmatranje.

VII Za dodatne informacije možete se obratiti na telefon 032 829 540 centrala

Kontakt osobe: Članovi Komisije

OPĆINSKI NAČELNIK

Đemal Memagić, s.r.

**Ovaj Službeni glasnik istaknut je na oglasnoj tabli
Općine Olovo dana 15.07.2015.godine**

Ovjerava:

**SEKRETAR
OPĆINSKOG VIJEĆA**

Zijad Karić, dipl. pravnik